

# FISKERIDIREKTØREN

*Ark.no. 412.5 Torsk*

Bergen, 26.11.1985  
TLØ/BSH

## MELDING FRA FISKERIDIREKTØREN

\*\*\*\*\*

J. 157/85  
(J. 85/85 UTGÅR)

FORSKRIFT OM ENDRING I FORSKRIFT AV 21. DESEMBER 1984 NR. 2162 OM FISKE ETTER TORSK NORD FOR 62° N.BR. I 1985 MED KONVENTSJONELLE REISKAPAR, MED SLIKE REISKAPAR I KOMBINASJON MED TRÅL, OG BIFANGST AV TORSK VED ANNA FISKE M.M. TORSKEREGLERINGSFORSKRIFTER.

Fiskeridepartementet har den 20. november 1985 med heimel i lov av 3. juni 1983 nr. 40 om saltvannsfiske m.v. § 4, fastsett:

### I

I forskrift av 21. desember 1984 om fiske etter torsk nord for 62° n.br. i 1985 med konvensjonelle reiskapar, med slike reiskapar i kombinasjon med trål, og bifangst av torsk ved anna fiske m.v. (torskereguleringsforskrifter), blir følgjande endring fastsett:

§ 6 første og tredje ledd blir oppheva.

Fjerde ledd skal lyde:

Når fartykvoten etter første ledd er oppfiska, kan det ved fiske etter andre fiskeslag takast 15% bifangst av torsk rekna i vekt av heile fangsten i kvar landing. Bifangst av torsk som overstig 15% skal reknast som overfiske av fartykvoten etter første ledd.

### II

Denne forskrift vert sett i verk straks.

-----

Etter desse endringane har forskriftene denne ordlyd:

Kap. I.

Periodar med fiskestopp og avgrensing i garnmengda.

## § 1

Fiskestopp.

I området nord for 67° n.br. er det forbode å fiske etter torsk med andre reiskapar enn trål og ruser, og å ha andre reiskapar enn ruser stående i sjøen for fiske etter torsk fra fredag 13. desember 1985 kl 2400 til tysdag 31. desember 1985 kl 2400.

Reiskap som grunna uver ikkje kan dragast innan forbodstida etter første ledd tek til, skal dragast så snart råd er etter at verhindringa er over.

## § 2

Sportsfiske.

Forbodet mot fiske etter torsk i § 1 gjeld og sportsfiske. Fiskeridirektøren kan etter søknad dispensere frå dette forbodet.

Utan hinder av forbodet i første ledd kan det likevel fiskast til eige konsum med stong og handsnøre. Fisket må avgrensast til dei kvanta av torsk som går med til eigen huslyd sin trong for fersk fisk i forbodsperioden nemnde i § 1.

Fangst som nemnd i første ledd kan ikkje omsetjast eller tilverkast for sal.

Fiske med juksa-maskin vert ikkje rekna som handsnøre etter denne paragrafen.

## § 3

Bifangst.

I perioden med forbod mot fiske etter torsk, jfr. § 1, er det forbode å ta større bifangstar av torsk ved fiske etter andre fiskeslag enn 15%, rekna i vekt av heile fangsten om bord eller ved landing.

## § 4

Garnmengde.

Ingen båt må bruke fleire garn enn det som kan røktast dagleg.

KAP. II.

Kvoteregulering av farty som fiskar etter torsk berre med konvensjonelle reiskapar og farty som fiskar med slike reiskapar i kombinasjon med reketrål og trål.

## § 5

Maksimalkvote for farty som fiskar med konvensjonelle reiskapar.

Kwart farty som fiskar torsk med andre reiskapar enn trål kan i 1985 ikkje fiske meir enn 350 tonn torsk rund vekt i området nord for 62° n.br. Farty som har konsesjon for å drive trålfiske etter torsk, jfr. forskrifter om tildeling av tillatelse til å drive fiske med trål av 28. april 1978, og som driv slikt fiske i kombinasjon med garn, line eller juksa kan heller ikkje fiske meir enn 350 tonn torsk i nemnde område.

Farty som har fiska opp maksimalkvoten etter første ledd i denne paragrafen kan ved fiske etter andre fiskeslag taka 15% bifangst av torsk rekna i vekt av heile fangsten i kvar landing. Bifangst av torsk som overstig 15% skal reknast som overfiske av maksimalkvoten etter første ledd.

#### § 6

##### Kvote for farty med konsesjon for reketrålfiske.

Kwart farty som har konsesjon for trålfiske etter reker kan i 1985 ikkje fiske meir enn 175 tonn torsk rund vekt i området nord for 62° n.br.

Etter at totalkvoten etter første ledd er oppfiska kan det ved fiske etter andre fiskeslag takast 15% bifangst av torsk rekna i vekt av heile fangsten i kvar landing. Bifangst av torsk som overstig 15% skal reknast som overfiske av kvoten etter andre ledd.

#### § 7

##### Kvoteregulering av farty med konsesjon både for reketrålfiske og torsketrålfiske.

Reglane i § 6 gjeld og for farty og som kjem inn under § 6 punkt 2 i forskrifter om regulering av trålfiske etter torsk nord for 62° n.br. i 1985 av 21. desember 1984, som i tillegg til konsesjon for trålfiske etter reker også har konsesjon for trålfiske etter torsk, jfr. forskrifter om tildeling av tillatelse til å drive fiske med trål av 28. april 1978.

#### KAP. III.

##### Kvote for farty som driv fiske med garn og line etter botnfisk i andre lands soner.

#### § 8

Farty som driv fiske med garn og line etter torsk, hyse, sei, kveite, blåkveite, pigghå, håbrand, lange, blålange og brosme i sonene til andre land kan i 1985 ikkje fiske meir enn 175 tonn torsk rund vekt med andre reiskap enn trål i norsk sone mellom 62° n.br. og 65° n.br. og i området nord for 65° n.br. og aust for O-meridianen.

Med sonene til andre land er i paragrafen her og i §§ 9 og 10 i denne forskriften ment EF-sona, færøysk sone, islandsk sone og

NAFO-området.

§ 9

Reglar om overfiske.

Farty som har overfiska den kvoten som er fastsett i § 8 i denne forskriften kan i 1985 ikke drive fiske med garn og line i sonene til andre land etter dei fiskeslaga som er nemnde i § 8. Maksimalkvoten på 350 tonn i § 5 gjeld for farty som ikke fiskar i andre lands soner, jfr. § 8, andre ledd.

Utan omsyn til forbodet i første ledd kan Fiskeridirektøren gi løkke til farty til å drive slikt fiske i sonene til andre land som nemnd i § 8, når overfisket av kvoten etter § 8 blir innredgen av vedkomande salgslag, jfr. § 7 i lov om saltvannsfiske m.v. av 3. juni 1983.

§ 10

Bifangst.

Farty som har fiska opp kvoten sin etter § 8 kan ved fiske etter andre fiskeslag taka 15% bifangst av torsk rekna i vekt av heile fangsten i kvar landing. Bifangstar som overstig 15% skal reknast som overfiske av kvoten etter § 8.

KAP. IV.

Utfyllande reglar.

§ 11

Fiskeridirektøren kan gi forskrift om gjennomføring og utfylling av denne forskriften.

KAP. V.

Strafferegler.

§ 12

Aktlause eller forsettlege brot på forskriften her og medverknad til slike brot blir straffa med bøter, jfr. §§ 53 og 54 i lov om saltvannsfiske.

KAP. VI.

Iverksetting.

§ 13

Forskrifta her vert sett i verk frå 1. januar 1985, og gjeld til og med 31. desember 1985.

-----